

Kapiya Sën Jon Kevu Netu Luu Vu Kerisi-yi-alam

¹ Kerisi-yi-alam hir ggev ti sa, besa nekevu kapiya sënë yök vu hong avêh* sën Anutu ggooin hong raq tu yö yi ngaa lo. Sa kevu vu ham los nalum lo. Sahëg neving ham yönon rot, lob su sengo ti rë, gaq alam pin sën deneraq gagek anon ni lo ahëj neving ham ving. ² Sa ahëg neving ham in gagek anon neggëp vu hil, lob yö rëq gëp geving hil degwata los degwata. ³ Hil nesepa loq gagek anon bahëd neving hil. Om hil Amad Anutu luho Yesu Kerisi sën Ama Nalu lo desemu hil los kwaj gevongin hil bedegevong behil ayod gëp revuh.

Hil Sepa Doq Aggata Sën Hil Ahëd Geving Hil

⁴ Sa kwag vesa rot in sa hangö gagek bë nalum lo vahi denesepa loq gagek anon yoh vu sën hil Amad Anutu nër bë hil sepa doq lo.

⁵ Oo avêh-e! Sa su nekevu kapiya sënë yök vu hong in bë gevong horek mewis ti vu hong rë. Gak yik sa nekevu horek sën hil haqo vu nyëdahis bë hil ahëd geving hil vewen vewen lo. ⁶ Aggata ahëvingsën-yi nebë sënë: Hil sepa doq Anutu yi horek. Lob ham ngo horek sënë nyëmuğinsën bë ham pasang sepa doq bahëmin geving ham.

Hil Ngo Pasang Sepa Doq Kerisi Yi Gagek Niwëek

* **1:1:** Jon nër bë kevu gagek vu avêh ti, rëq alam ngahi kwaj nevo bë maq kevu vu Kerisi-yi-alam yu ti loq beggang-bu ti, rëq peggin gagek raq yah avêh, gesir ti ti sën denedo loq yu ti agi nebë nalu lo

⁷ Alam tetuhinsën ngahisekë detah sir in hil beyah denesepa loḵ aggata-dob-yi. Alam sënë su denevong ving bë Yesu Kerisi tu mehönön rak yönön rë, om sir og sir alam gagek tetuhinsën ata, gesir alam sën denevongin bë dedahun Kerisi na lo. ⁸ Ham gwegin ham nivesa in ham rëḵ gwevuu ngaa pin sën ham vong huk in ggovek ya lo na. Gaḵ mëm ham ngo medo niwëëk in ham natök vu nyëvewen nivesa doḵ nah. ⁹ Bë mehöti su sepa doḵ Kerisi yi gagek niwëëk rë, gepesöng loḵ ya gagek ngwë, og Anutu su nedo ving yi rë. Gaḵ mehöti bë najom Kerisi yi gagek ahon niwëëk, og Ama lu Nalu denedo ving yi. ¹⁰ Nabë mehöti nöḵ berup vu ham, rëḵ su ḵo gagek anon nebë sënë rë, og ham su gweḵo yi doḵ na ham beggang, geham su bengwëng vu yi. ¹¹ Gaḵ mehöti bë bengwëng vu yi, og neloḵ vu yi in yi huk nipaya saga.

Gagek Hus

¹² Sa kwag nevo gagek ngahisekë bë sa ḵevu vu ham, rëḵ ma gesa kwag nevo bë su yoh vu bë sa ḵevu jaḵ bël veriik doḵ ḵapiya rë. Gaḵ sa kwag nevo bë mëm senök galë ham behil medo bengwëng doḵ ti, og mëm hil rëḵ kwad vesa rot. ¹³ Anutu ggooin arim sënë† rak tu yö yi ngaa, log arim sënë nalu lo kwaj nevo hong medenenër.

† **1:13:** Jon nër ari sënë, og maḵ peggirin gagek rak Kerisi-yi-alam yi ngwë sën losho yi Jon denedo lo, log nalu lo og nenër rak yi ving sir

Gagek Mewis
The New Testament in the Central/Mapos dialect of the
Buang language of Papua New Guinea
Nupela Testamen long tokples Buang Mapos long
Niugini

Copyright © 2003 The Bible Society of Papua New Guinea

Language: Buang, Central/Mapos (Buang)

Dialect: Central/Mapos

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

PDF generated using Haiola and XeLaTeX on 21 Feb 2024 from source files dated 31 Aug 2023

18a972db-abcc-5dc3-9031-f1d4455b33c3